



«Юлдуз» тикувчилик ишлаб чиқариш бирлашмасининг филиалда костюм ва шимлар тикилмоқда. Цехда асосан маҳаллаларда истиқомат қилувчи аёллар меҳнат қилишяпти.

СУРАТДА: илғор ишчи Нодира Бахромова (чапдан) ва бригада бошлиғи Маъмура Сандбоевалар.

Х. Мирзакаримов сурати.

Бир қўлнинг беш бармоғи

«БИЗНИ ЎЗБЕК ДЕЯВЕРИНГ...»

ҚАЙСИКИ жамоада аҳиллик бўлса ишлар олдинга силжийверар экан. «Қизил Деҳқон» маҳалласида ўзбек, тожик, рус, қozoқ, озарбайжон каби ўндан ортиқ миллат вакиллари яшашиди. Аммо уларнинг мақсади, интилишлари бир, ҳамиша ягона оиладек ҳамжиҳатликда яшашмоқдалар. Шу боисдан бўлса керак, ўтган йили ўт-ўлан босиб ётган қаровсиз жойда бор барпо қилинди, ҳашар йўли билан маданий-маиший шохобчалар бунёд этилди.

Жамоа аъзоларининг барча режаларни бамаслаҳат белгилаб олишбеггани ютуқлар мезони бўлаётти, десанк ангилмаймиз. Яқинда қойхонада бўлиб ўтган «Ягона дўстлик оиласида» деб номланган кеча ҳам байналмилал дўстликнинг янада мустаҳкам қарор топишида катта аҳамият касб этди.

— Биз бир тан, бир жон бўлиб яшаймиз, — деди маҳалла кўмитасининг раиси Нурмуҳаммад ана Абзалов йирилганларга разм солар экан. — Тўй-ю маърака ёки бошқа йиғинда барабар хизмат қиламиз, бир қозондан ош еймиз. Ҳаётнинг таъми дўстлик билан, тинчлик билан, дейишади. Шундай бўлгач, келинлар доимо бирлигимиз йўқолмасин.

— Раисимиз жуда тўғри гапирдилар, — унинг сўзини маъқуллади 2-гуруҳ ногирони Солихўжа Иброҳимов. — Мана мен уруш даҳшатларини бошдан кечирганман. Фронгда ўзбек, қozoқ, қирғиз, рус ва бошқа миллатлар билан елкама-елка жанг қилганимиз туфайли ҳам ғалаба қозондик. Ҳўш, ҳозирги ёшларимиз бахтли кунларнинг қадрига етишяптими? Менимча, уларга байналмилал дўстликнинг аҳамиятини кўпроқ тушуниришимиз зарур.

Икки отахоннинг дил сўзлари йиғилишда иштирок этаётган маҳалла аҳлининг руҳини кўтариб юборди. Ўтирганлар орасида «Баракалла», «Жуда тўғри», деган хитоблар эшитилди. Отахонлар номидан кўп болали она Валентина Логвиненко сўзга чиқди.

— Мен ва турмуш ўртоғим Михаил Петрович 1933 йилда шу жойга келганмиз, — деди у соф ўзбек тилида. — Ўн фарзандни тарбиялаб, вояга етказдик, 20 га яқин неварамиз бор. Қувонч-у, ташвишли кунларимизда маҳалладошлар ҳол-аҳвол сураб, қўлларидан келган ёрдамни аяшмади. Эримни кўпчилик ҳурмат юзасидан «Миша-хўжа» деб қақаришади. Миллий урф-одатларга батамом кўникиб кетдик. Юрта бир неча марта ош бердик. Шундай экан бизни ҳам бемалол ўзбек десангиз бўлаверади.

Дўстликка бағишланган нечада меҳнат файрийларидан Асомхўжа Ҳусамиддинов, Мурод Абдуазимов, шунингдек қўшни маҳаллалардан ташриф буюрган меҳмонлар ҳам қимматли фикрларни баён этишди. Йиғилиш аҳли яқинлашаётган Наврўз байрамини яқдиллик билан кутиб олишга қарор қилдилар.

Н. ОЛЛОНаЗАРОВА,
Киров ноҳияси.

Низом қандай бажарилмоқда?

Англашилмовчилик рўй бермасин

ТОШКЕНТ шаҳридаги маҳалла кўмиталарининг Низомда кўмиталар ҳуқуқларини кенгайтириш мақсадида кўпгина масалалар ўз аксини топган. Аммо бу муҳим ҳужжатни ҳаётга тадбиқ этишда баъзи англашилмовчиликлар рўй бермоқда.

Биринчидан, Низомнинг 11-қисми, 12-моддасининг «ж» бандида «Маҳалла ҳудудидаги уй-жойни сотиш, олиш ва алмаштириш маҳалла кўмитасининг розилик ҳужжати асосидагина давлат нотариал идораси томонидан расмийлаштирилади», дейилган. Бу бандни қиритишдан мақсад асрлар давомида маҳаллаларда уй-жой сотиш ва олишда шаклланиб келаётган анъаналарни тиклашдир. Агар сотилаётган уйни қўшнилар олмаса, уни шу жойда яшовчи муҳтож оилалар

га тавсия қилиш кўмита вазифасига киради. Шунда ҳам олувчи топилмаса у ҳолда шаҳарнинг бошқа ноҳияларидан келган талабгорларга ёзма равишда розилик берилади. Афсуски, ҳозир амалда бу қондага тўла риоя қилинмаяпти.

Иккинчидан, Низомнинг 11-қисми, 19-моддасининг «г» бандида «уй олди-сотдидан давлат нотариал идорасига тўланадиган пошлина ва маҳаллий солиқларнинг маълум (1%) қисми, шунингдек, фуқаролар ва бошқалардан шахсий ёрдам учун берилган ҳамда тегишли раҳм-шафқат жамғармаларидан келиб тушадиган маблағлар», деган жумла бор. Ҳўш, бу масала қандай ҳал қилинади? Уй-жой олаётган фуқаро нотариал идорасига давлат пошлинини тўлаб

келгач, маҳалла ҳудудида яшаш учун прописнадан ўтиши керак. Ана шу пайтда кўмита раиси жамғарма ҳисобига пошлинанинг бир фоизи ҳисобида пул тўлаб келиш лозимлигини айтади. Аммо баъзи жойларда нақд пул талаб қилинапти. Бу қонунга мутлақо зиддир.

Киров ноҳия Кенгашининг Раёсати Низомга мувофиқ маҳалла кўмиталарига юридик шахс мақоми берилиши муносабати билан ноҳиядаги 26 маҳаллада саноат курилиш банкидан ўз шахсий жамғармасини очиб ҳақида қарор қабул қилди. Пойтахтдаги ҳар бир маҳалла кўмитасида ҳам ўз шахсий жамғармаси бўлиши зарур.

Ана шу шартлар бажарилсагина Низом талабларини ҳаётга жорий этишда чалкашликларга чек қўйилади.

К. КОМИЛОВ,

Ўзбекистон ССР Фанлар академияси фалсафа илмгоҳининг етакчи илмий ходими, шаҳар Кенгашининг депутати.

Ўртак олса арзийди

ЎЗЗОЗГА МУНОСИБ

УЛУГ бобомиз, ҳазрати Алишер Навоийнинг битмас-туганмас маданий мероси асрлар оша маънавий ҳаётимизни нурафшон этиб келмоқда. Бу табарруқ инсон таваллудининг 550 йиллигини муносиб кутиб олиш учун бизнинг жамоамиз ҳам пухта тайёргарлик кўрди. Маҳалла хотин-қизлар кенгашининг раиси Наима Имомова раҳбарлигида комиссия тузилиб, барча режалар белгилаб олинди.

Катта тўй нишонланиши арафасида кўплаб тадбирлар ўтказилаяпти. Масалан, маҳаллада чиқариладиган «Маҳалла ҳақиқати» рўзномасининг навбатдаги сонларидан бири «Навоий гулшани» деб аталди. Клубимизда ташкил этилган ғазалхонлик кечаси ҳам кўпчиликида қизиқиш уйғотди.

Тантана муносабати билан яқинда 60 киши иштирокда пойтахтдаги аллома шоир номи билан боғлиқ жойларга савҳат уюштирилганини апоҳида таъкидламоқчиман. Шу кунни Алишер Навоий номидаги адабиёт музейидаги янги кўргазмалар туркуми билан танишув улуг мутафаккир ҳаёти ва ижодига чуқурроқ разм солиш имконини берди. Вакилларимиз Навоий номидаги марказий кутубхона, Навоий номидаги опера ва балет театри, шунингдек кўча ва хиёбонларда ҳам бўлдилар.

З. НУРИДДИНОВ,
Тошкент ноҳиясидаги Охунбобоев номи маҳалла кўмитасининг раиси.

1-саҳифага мактублар

Бошимиз нега оғрийди?

ФАРЗАНДИМИЗ кўчага шошиб чиқиб кетаётганда: «Бош кийимингни кийиб ол, болам», деб тайинлашни унутмаймиз. Бу бежиз эмас. Бош кийим кишини турли хил хасталиклар, энг муҳими бош оғриғидан сақлайди. Ачинарлиси, маҳаллаларда яшаётган кўплаб йигит-қизларимиз бунга эътибор беришмаяпти. Ёмғир ёки қор ёққанда совуқ томчиларни

мия томирлари осонгина «шимиб» олишини улар билишмаса керак. Ўз шахсий кечинмаларимдан келиб чиққан ҳолда айтмоқчиманки, агар ёшларимиз бош оғриғига мубтало бўлишни исташмаса бош кийимда юрсинлар.

Р. МАҚСУДОВ,

Юнусобод даҳасининг 4-мавзесида яшовчи 2-гуруҳ ногирони.

Ширин сўзингизни аяманг!

БИР корхонанинг бўлимига иш билан боргандим. Бошлиқ 17 — 18 ёшлардаги қизга ҳадеб дўқ уриб, бақирар эди. Ходима бирор айб қилиб қўйган шекилли, деб қизиқсам, қандайдир қорозни зудлик билан олиб келиши керак экан, бироз ушланиб қолибди. «Бошлиғимиз одамга ширин муомала қилишни билмайди, — деди ходима ўқсиниб. — Мен яшайдиган маҳаллада фаоллар ахлоқ-одоб ҳақида насихат қилишади-ю, ишхонамдаги аҳвол билан қизиқмайдилар».

Сухбатдошим ўринли гапларни айтди. Мактабдан тўғри корхона ёки ташкилотга келган ёшлар дарҳол ишга киришиб кетолмайдилар. Шунинг учун тажрибаси бор ходимлар ҳадеб камситавермай, билмаган нарасини ўргатишлари зарур. Маҳалла кўмиталари эса ўз жамоаларидаги ёшлар ҳаёти билан қизиқиб турсалар ёмон бўлмасди.

Т. ЗАЙНИТДИНХЎЖАЕВА,
пойтахтнинг «Марказ — 5» даҳасидаги 82-уйда яшовчи.

Турган-битгани муаммо

БИР гуруҳ кексалар ноҳия электр тармоқлари идорасига ташриф буюрдилар. Уларни бошлиқ Николай Овчинников кутиб олди. У шикоятчиларнинг куюниб айтган сўзларини тинглагач, «Чироқларингизни албатта яхшилаб берамиз», деб кексалар қўйини пуч ёнтоққа тўлдириб, эшикдан кузатиб қўйди. Ҳамон чироқлар кунига 2-3 мартадан ўчиб турибди. Бунинг оқибатида «Бирлик», «Крупская», «Ривож», «Намуна» маҳаллаларининг фуқаролари радио ва ойнаи жаҳон хабарларидан бебаҳра қолишмоқда. Фарзандларимиз кечқурун дарс тайёрломайдилар.

«Қумлоқ» бекатидаги 28-сартарошхона филиали қишга келиб ёпилиб қолди. Қилинаётган асфальтлар ярмида қолиб кетди. Қойхона олдидаги кўприк қачонлардан бўён ремонтталаб. Кўп хонадонлар газлаштирилмаган. Кўмита аъзолари муаммоларни бартараф этиш учун ижроқўмга қатнайвериш тинка-мадорлари қуриди. Ҳурматли муҳарририят! Энди умидимиз сизлардан. Бизга ёрдам беринг.

С. РАҲИМОВ ноҳиясидаги «Бирлик» маҳалла жамоаси номидан:
А. МУТАЛОВ,
Н. РАФИҚОВ,
жаъми 15 имзо.

Ҳеч ким, ҳеч нарса
унутилмайди

МЕРГАН

— Урушда беш йил бўлишимга қарамай бирор марта душман билан юзма-юз жанг қилмаганман, — деди суҳбатдошимиз Шермат ота Нурматов. Билсак, у киши фронт ортида хизмат қилган экан.

Шермат дастлаб бирга борган йигитлар билан Москва вилоятидаги қисмлардан бирида мерганлик сирларини ўрганди. Кейин эса 115-темир йўл полки сафида Петушки станциясига келаётган озиқ-овқатларни қўриқлай бошлади. Вагонлардаги нон, шакар, туз ва бошқа маҳсулотлар шу ердан тўғри фронтга жўнатиладди. Уз پوستида ҳаммаша хушёр турган ўзбек ўғлини 1944 йилдан совет-фин чегарасида ҳам хизмат қилди.

Ҳозир Октябрь ноҳиясидаги «Катта боғ» маҳалласида яшайётган бу отахоннинг кўсини «Жасорати учун», «Германия устидан қозонилган ғалаба учун» каби кўплаб медаллар беэаб турибди.

Самад ШОДМОНОВ.



Янгибод даҳасининг «Донишманд» маҳалласида яшовчи Улуғ Ватан уруши фахрийлари Комил Ҳусанов, Ҳикмат

Саъдуллаев ва Мирали Тўлагановлар 227-мактаб ўқувчилари даврасида. Х. Шодиев сурати.

РЕЖАЛАР БЕЛГИЛАНДИ

АБДУЛҲАЙ Тожиёв номидаги маҳалла чойхонасида фаоллар, меҳнат фахрийлари, хотин-қизлар Кенгаши аъзоларининг ноҳиядаги мутасадди ташкилотлар раҳбарлари билан учрашуви ўтказилди. Анъанага кўра дастлаб кўмита раиси Ш. Темуров амалга оширилаётган ишлар ва вазифалар ҳақида гапириб берди.

Шуни таъкидлаш лозимки, ноҳиядаги энг катта жамоалардан бири ҳисобланувчи бу маҳаллада ҳозиргача болалар боғчаси, бирорта нон дўкони ва кассанинг йўқлиги аҳолига қийинчиликлар туғдирмоқда. Ўзга чиққанлар маҳалладаги ветеринария хизмати пунктини аввалги жойига кўчириш, 2-монтаж бошқармаси ўрнига эса болалар боғчаси ёки пионерлар саройи қуриш ҳақида таклиф кириштиди.

Учрашува чоғида тушган саволларга А. Икромов ноҳия Кенгашининг раиси, ноҳия партия кўмитасининг биринчи котиби Қ. Рафиқов жавоб қайтарди.

С. БОЗОРБОВ.

Ҳорманг, депутат

ОШКОРА МУЛОҚОТ

ХАЛҚ ноибидеб аталган депутатларнинг амалга оширган ишлари юзасидан ўз сайловчилари ҳузурида ҳисоб бериб, муаммоларни ечиш йўллари халқ билан бирга, бамаслаҳат ҳал этаётганликларини ижобий натижалар бермоқда. Эндилкида аҳолининг депутатларга бўлган ишончи ортиб бормоқда.

Яқинда «Ўзбекгидроэнергострой» трести биносида СССР халқ депутати, мазкур трест бошқарувчиси Ақром Қурбонович Эргашев билан Тошкент шаҳар Октябрь, Киров ва Собир Раҳимов ноҳиялари аҳолисининг маҳаллалар кўмиталари раисларининг бўлиб ўтган ҳисобот учрашуви ҳам фикримизнинг далилидир.

Тошкент шаҳар Октябрь ноҳияси 117-миллий-ҳудудий сайлов мавзесидан СССР халқ депутатлигига сайланган Ақром Қурбонович Эргашев билан бўлган учрашувда депутат ёрдамчиси Нурулла Ғаниев, «Водоканал» трести бошқарувчиси Зокир Тўраевич Солиҳжоев, шаҳар бош меъмори Дилшод Воҳидович Латипов, Тошкент шаҳар «Тикланиш» ширкат бирлашмаси бошлиғи Комилжон Жўраевич Тошпўлатов, «Тошгаз» бошқармаси бошлиғининг ўринбосари Тўра Шокирович Шокиров ҳамда маҳалла вакиллари иштирок этишди.

Учрашувда сўзга чиққан депутат А. Қ. Эргашев 1989 — 1990 йилларда сайловчилардан тушган топшириқларнинг қандай бажарилгани ҳақида ҳисобот берди.

— Шу кунга қадар сайловчиларимиздан 359 киши 768 та топшириқ билан мурожаат этди, — деди у. — Шулардан 294 та мурожаат ва 544 та топшириқ ижобий ҳал этилди. Жумладан, яшаш шароитини яхшилаш ҳақидаги илтимос билан мурожаат этган 68 кишидан 22 тасининг талаби қондирилди. Шунингдек, маҳалла ва мавзеларни ободонлаштириш масаласидаги 82 аризаннинг 62 таси ижобий ҳал қилинди. Турар-жой эксплуатация бошқармаси хизматида шикоят қилиб битилган арзномалар ҳам талайгина. Ана шундай арзномаларнинг 128 тасидан 66 таси текширилиб, ижобий ҳал этилди.

Бундан ташқари, сайловчиларимиз турмуш ташвишлари ва етишмовчиликлар ҳусусида, уйларга канализация ўтказиш, газлаштириш, телефонлаштириш каби масалалар билан ҳам тез-тез мурожаат этиб туришади. Ўтган вақт мобайнида шундай мурожаатлардан 123 таси ижобий ҳал этилиб, кишилар оғир енгил қилинди.

Шунингдек, қабул кунларида ҳам 800 дан зиёд сайловчи бўлди, 1000 га яқин сайловчи эса, телефон орқали му-

рожаат этишди. Депутат номидан турли идораларга, турли масала юзасидан 136 та депутатлик сўрови юборилди. Бу сўровларга ҳаммаси бўлиб 116 та ижобий жавоб олинди.

Келгусида мўлжалланган режаларимиз, сайловчиларимиздан тушган ва амалга оширилиши зарур бўлган топшириқлар ҳам талайгина. Жумладан, Октябрь ноҳияси «Наврўз» маҳалласида икки қаватли гузар ва савдо расталари қуриш учун 659 минг сўм маблағ ажратилган. Ҳувайдо маҳалласида 877 минг сўм маблағга мактаб биноси, спорт комплекси, боғча қуриш, «Гулбозор» маҳалласида 2,5 миллион сўмлик 42 та 2 қаватли гиштдан коттежлар қуриш ва «Камолон» маҳалласида 85 минг сўмлик дўкон ва маҳалла идораси қуриб ишга тушириш мўлжалланган.

Киров ноҳияси бўйича «Қизил деҳқон» маҳалласида 2 миллион сўмлик болалар боғчаси ва мактаб қуриш, 3,5 миллион сўм маблағ билан «Юнусобод» жомъе масжидини қуриб битказиш, Собир Раҳимов ноҳиясидаги Шумилов маҳалласида 300 минг сўмлик чойхона, идора ва дўконлар қуриш, «Бирлик» маҳалласида чойхонасини газлаштириш каби ишлар режалаштирилган.

Депутат ҳисоботидаги учрашувда сўзга чиққан маҳалла раислари сайловчиларнинг талабларига биноан «Ўзбекгидроэнергострой» трестининг кучи ва шу трест бошлиғи, депутат А. Қ. Эргашев ҳомийлиги остида ноҳиялар маҳаллаларида амалга оширилган ишлар ҳусусида гапиришди. Жумладан, Октябрь ноҳиясидаги «Гулбозор», «Камолон», Литвинов, «Чарх Новза» каби маҳаллаларда урушда ҳалок бўлганларга ёдгорлик ўрнатиш, кўчаларни асфальтлаш ва бетон ариқлар ётқизиш, маҳалладаги масжид қурилишга ёрдам бериш, маҳалла клубини таъмирлаш каби ишлар беvosита трест ишчилари томонидан амалга оширилгани қайд этилди.

Шунингдек, Киров ва Собир Раҳимов ноҳияларидаги маҳаллаларда истиқомат қилувчи аҳоли номидан сўзга чиққанлар трест кучи билан суғориш насоси ўтказиш, водопровод ўтказиш, йўллари асфальтлаш, чойхонани таъмирлаш каби кўпгина қулайликлар яратилгани ҳақида тўхталиб ўтишди.

Шундан сўнг, ҳисобот юзасидан бўлган муҳокамада «Кўкча», «Обод», Шумилов, «Октябрь 50 йиллиги» маҳалла кўмиталари раислари сўзга чиқиб, амалга оширилмаган ишлар ва ҳал этилиши мушкул бўлган муаммолар ҳақида депутатга янги топшириқлар беришди. Киров ноҳияси «Қизил деҳқон» маҳалласида депутат ёрдамида аҳоли талаби қондирилиб, анча ишлар ижобий ҳал этилгани ҳақида «Юнусобод» даҳасининг 15-мавзесидаги маҳалла раиси тўлқинланиб сўзлади.

Ҳисобот учрашувда иштирок этган бошқарма ва ташкилот раҳбарлари ҳам сайловчилардан тушган саволларга атрофлича жавоб қайтаришди.

З. ДҲСМУҲАМЕДОВА,
Н. АБДИРИМОВА.

ШАРҚОНА БОЗОР ТИКЛАНСА

С. РАҲИМОВ ноҳиясидаги 67, 68 ва 97-сайлов округларидан сайлангач уч депутат — Э. Умарқориев, С. Раззоқов ва Д. Аҳмедовлар ўз сайловчиларига ҳисобот беришди.

— Биз депутатларимиздан мамнунмиз, — деди мажлисга раислик қилган «Маданият» маҳалла кўмитасининг раиси Ҳожинабар ака Қурбонов. — Сабаби, уларнинг сатихаракатлари туфайли бир қанча ишлар амалга оширилди.

Ҳисобот маърузаларида қўлга киритилган ютуқлар айтиб ўтилди. Жумладан, «Сағбон» кўчасининг 7, 8-боши берк кўчаларига ёриткичлар ўрнатилди. Озиқ-овқат дўконларида ҳар кунини сут маҳсулотлари савдоси йўлга қўйилди. Бир неча шаронти оғир хонадонлар навбатсиз уй-жой олишга эришдилар. 15-магазин биноси қайта таъмирланди. Шунга ўхшаш қилинган ишлар талайгина.

— Бизни ўйлантириб келаётган муаммолар ҳақида ҳам тўхталишимиз зарур, — деди кўпчилик номидан сўз олган 24-ўрта мактаб директори Ж. Бурхонов. — Шу куннинг долзарб масалаларидан бири Хастимом масжиди ёнида қадимги шарқона бозорни тиклашдан иборатдир. Шу жойда чойхона қурилиб, савдо расталари очилса кўнгилдагидек бўларди.

Сайловчилар шунингдек мусиқа мактабини қайтадан ташкил этиш, болалар поликлиникаси очиш, «Қўшут» ўтуви ва «Сағбон» кўчасидаги хонадонларни газлаштириш тўғрисида ҳам гапирдилар.

З. АЗИМҲУЖАЕВА.

Оила иқтисодиёти

РЎЗҒОРДА УННИНГ ҚАДРИ

ДАМ олиш кунини хонадонимизга меҳмон келиб қолди. Аксига олиб уйда нон қолмаган экан. Уларга:

— Сизлар бироз гаплашиб ўтириңлар, — дедим-да хамир қилишга уйнадим.

Орадан кўп вақт ўтмай дастурхонга иссиқ қатлама, кетидан эса хамир овқат келтириб қўйдим. Агар шунда уйимизда ун бўлмаса қандай аҳволга тушардим. Дам олиш кунини кўпинча яқинимиздаги дўконларда нон топишмай қолади. Шу бонсдан ҳар домм хонадонимизда ун турганини маъқул кўраман.

Иттифоқимизда озиқ-овқатлар нархи ошган тақдирда жумҳуриятимизда ун ва ун маҳсулотларининг эски нархи сақланиб қолгани кўпчилик қатори мени ҳам мамнун этди. Назаримда раҳбарларимиз бундай қарорга жуда пухта ўйлаб келишган. Сабаби оддий. Ўзбек хонадонинда асосий тирикчилик ун билан ўтади.

Оилада етти жонимиз. Мен ҳам, умр йўлдошим ҳам ишлаймиз. Кўпинча ишдан келгач уйда нон тугаб қолган бўлса, дарҳол хамир қориб қўяман. Қараб турибсизки, эрталабки нон-уштага тандирдан янги узилган иссиқ нонлар тайёр.

Ун оила иқтисодиётини яхшилашда ҳам катта аҳамиятга эга, деб ўйлайман. Агар бизнинг оиламизда нон сотиб оладиган бўлсак, кунига 1,5 — 2 сўмдан сарфланади. Шунда ҳар ойда 50-60 сўм ишлатишимиз керак. Энди нонни ўзимиз ёпиб есак шу маблағнинг деярли ярми тежалади.

Уннинг яна яхшим бир томони, ундан турли хил таомлар тайёрлаш мумкин. Ўзбек хонадонларида лағмон, норини, угра ошим ва бошқа хамир овқатларни истеъмол қилишга кўпроқ эҳтиёж сезилади. Масалан, Россия ўлкасининг шаҳарларида яшовчи аҳоли кўпинча ошхоналарда овқатланишади. Биз эса таомини уйда тайёрлашга одатланганмиз. Дўконларда ҳар домм макарон, вермишель каби маҳсулотларнинг сароблиғи унни кўп ишлатишимиздан.

Кейинги пайда ун тегирилганлари яна қайтадан ишга туширилаётгани айни муддаодир. Истагим, дастурхонимизни тўқни бўлишни таъминлаётган ун доммо дўконларда сероб бўлсин.

Т. ТҲХЛИЕВА.



Ўйғошнинг айёми — Наврўз яқинлашган сари маҳаллаларда турли юмушлар авжга чиқади. Ҳозир бу масканларда бўлсангиз тоқларни очиб тараётган дарахтларга шакл бериш билан машғул бўлган кишиларни учратишингиз мумкин.
СУРАТЛАРДА: баҳор юмушларини бошлаб юборган Ҳамза ноҳиясидаги А. Икромов номли маҳалла аъзоларини кўриб турибсиз. Р. Шарипов суратлари.

Туйғулар

Биз—фазилатли халқмиз

НИҲОЯТ шундай кунларга етиб келдик. Энди бевосита халқ билан маслаҳат қилмай, халқ кўнглини билмай туриб бирор ишни битириш мушкул. Шундоқ бўлгач, энди оддий халқ фикри, заковати, яшаш тарзи-бевосита халқ билан ҳамжиҳат ҳал этилар экан, демек маҳаллаларнинг масъулияти, ўз ўрнида жавобгарлиги ортиб боради. Чунки давлат онладан бошланади, деган ақида бор. Шунингдек, аҳил ва иттифоқ маҳалла эса катта оила демакдир.

Дейдиларки, ҳовлингга нок эксанг, яхши ният билан эк, йигирма йилда ҳосилга киради. Биз ҳам умид қиламизки, яхши ният билан бошланган, ҳозир жумҳуриятимизда кенг, оммавий тус олаётган, маҳаллага эътибор келгусида ўз тотли, шириндан-шакар мевасини беради. Агар икки қўлимизни кўксимизга қўйиб ҳақни айтадиган бўлсак, кўп тadbирлар ўз самарасини бера бошлади.

Яқинда «Янгиобод» маҳалласида ҳашар йўли билан хотира боғи очилди. Унда Афғонистондаги жангларда қатнашиб, фидоижон бўлган шу маҳалла фарзандларига рамзий ҳайкал қўйилди. Кўча юзидаги ташландиқ жой бугунга келиб мевазор боғ, оромгоҳга айлангани қувончлидир. Ҳозир боғнинг ёнида шинамгина чойхона ҳамда новавойхона ишлаб турибди. Маҳалла кўмитаси кўп болали оилалар, бевабечоралар, ногиронларга ҳоли-қудрат ёрдам кўлини чўзаётди. Бундан бир минг бир юз йил аввал буюк мутафаккир Абу Наср Ал-Форобий шундай таъкидлаб кетган эканлар. «Ҳақиқий бахтга эришиш мақсадида ўзаро ёрдам қилувчи кишиларни бирлаштирган шаҳар—фазилатли шаҳардир, бахтга эришиш мақсадида бирлашган кишилар жамоаси—фазилатли жамоадир. Бахтга эришиш мақсадида ўзаро ёрдам берган халқ—фазилатли халқдир. Шу тартибда барча халқлар бахтга эришиш учун бир-бирларига ёрдам берсалар бутун ер юзи фазилатли бўлади».

Кўрдингизми, Арастудан кейин оламнинг «иккинчи муаллими», деб тан олинган олимнинг ўғитлари, айниқса, биз тошкентликларга ибрат бўлмоғи керак. Сабаби, пойтахтга ташриф буюраётган меҳмонлар, табиийки, маҳаллаларда бўлишади. Хонадонларда бир пиёла чой ичишга, кутлуг ном ушатишга муяссар бўладилар. Демак, Тошкент аввало ибрат ўчоғига айланмоғи зарур.

«Янгиобод» каби маҳаллаларнинг яна мақтовли ишларидан бири кўча ва майдонлар озодлигидир. Бу жойлардан ўтган одамнинг дили яйрайди. Саранжом-саришталик маҳалла чойхонасидан бошланади. Озода шолчалар, кўрпачалар, доғсиз пиёла-чойнақлар, оҳори кетмаган дастурхонлар... Бир қарашда булар оддий, кўзга кўринмас нарсасдек бўлиб кўринар. Аммо саришталик, одоб, дид-фаросат кўп нарсани ҳал этиши сир эмас.

Кези келганда бир нарсани айтиш ўринли бўлар, деб ўйлайман. Ҳадеб гўдаиб ўсувчи дарахтлар ўрнига маҳалладошлар мевали дарахтлар экканлари маъқул. Маҳаллада бир парча ер ҳам бекор ётмаслиги керак. Болалар мактабдан бўш вақтларида ўйнайдиган, велосипед учадиган майдончалар барпо этиш йўлини қидириш лозим. Мактаб боғида ҳар бир ўқувчининг ўз ниhoли бўлсин. Тагини юмшатсин, сув қуйсин, хомтоқ қилсин. Меҳнатга, ерга меҳр ўйғотиш усулларидан бири шу турур. Айниқса кўп қаватли иморатларда истиқомат қилувчи болалар ўзларини нима билан овуттишни билмай қоладилар. Уларга синф-синф қилиб кўчаларни бўлиб бериш керак. Кўчаларро мусобақалар ўтказиш ва озода-саранжом жойларда яшайтган хонадон эгаларини мукофотлаш вақти келди.

Маҳалла оксоқолларидан бир ўтинчимиз бор. Ўғил болаларга тазйиқ ўтказиш масаласи. Мактабда қизалоқлар ниҳоятда фаол. Бунга раҳматлар айтган ҳолда, ўғил болалар масъулиятини барқарор этишни ўйлашимиз зарур. Ахир улар келгусида оила бошлиғи, ватан ҳимоячисидирлар. Агар кўп жиҳатлари билан қизалоқларга ибрат бўлмасалар ўртадан ҳурмат кетади. Охир-оқибатда оила тотувлигига путур етади. Аёл эркакни ҳурмат қилмай қўйган хонадон борки, бора-бора бузилиб кетиши эҳтимолдан ҳоли эмас.

Аслини олганда ўрта мактабларни қизлар ва ўғил болалар алоҳида-алоҳида ўқийдиган даргоҳларга ажратиш жуда ўринлидир. Бу ҳақда маҳалла аҳли ўз тақлифлари билан чиқишса ёмон бўлмасди.

Яна бир истак. Фаоллар барча қардош халқлар вакиллари-нинг бир оила фарзандлари каби аҳил ва тотув яшашлари учун меҳрибонларча назорат олиб борсинлар.

САҲЕР.

ОДАТДА, қози деганда кўпчилик кўз ўнгига такаб-бур, бойлар лаганбардори гавдаланади. Яқин кунлар-гача шундай ёзилиб, шундай гапириш одат тусига кирган эди.

Аммо тарихда барча қозилар бундай бўлган эмас. Улар сафида ҳалол, покиза ва адолатпарварлари кўп бўлган. Утган асрда Себзор даҳасида ўттиз йил қозилик қилган Муҳаммад Муҳиддин-хўжа Ҳакимхўжа ўғли ана шундай инсонлардан эди. Тошкентда узоқ йиллар да-вомида эски шаҳар полиция-си бошлиғи, шаҳар ҳокими ўринбосари, Самарқанд ви-лояти ҳарбий губернатори бўлиб хизмат қилган генерал-лейтенант Нил Ликошин 1916 йилда Петроградда на-шр қилинган «Туркистонда кечган ярим умр» китобида Муҳид-динхўжа ҳақида жуда қизиқ хотираларни ёзиб қолдирган. Ўзбекистон ССР Марказий

Давлат архивида эса бу ажойиб киши ҳаёти ва фаоли-тига онд қатор ҳужжатлар сақланади. Адабиётшунос олим, филология илмлари доктори Шариф Юсупов «Фурқат йилларида» деб номлаган китобида ҳам Му-ҳиддинхўжа шахсига доир бой маълумотлар бериб, унинг шoir Фурқатнинг яқин

дўстларидан деб таърифлай-ди.

Етук диний арбоб-уламо, маърифатпарвар зиёли, одил қози, истеъдодли журналист Муҳиддинхўжа 1885 йилда ўз маблаг ҳисобига 3-рус-тузем мактаби биносини қу-риб берган ва 13 йил даво-мида шу мактабнинг фахрий нозири бўлган.

Давра атрофида

СЕБЗОР ҚОЗИСИ

Себзор қозиси халқпар-вар киши бўлгани учун ун-дан ҳайқишган. 1892 йил 24 июнда Тошкентда кўта-рилган кўзғолондан сўнг у халққа ҳайрихоҳ киши сифа-тида лавозимидан олиб таш-ланади. Шундан сўнг, Му-ҳиддинхўжа Себзор даҳасида-ги Исахўжа мадрасасида му-даррислик қила бошлади. Орадан кўп ўтмай қози сай-ловин бошланганда даҳа ма-ҳаллаларидаги боорбў киши-лар Себзор қозилигига ном-зодликка уни ҳам рўйхатга олишади. Муҳиддинхўжа кўп

чилиқ овоз билан яна қайта сайланади.

Муттаҳам, қаллоб кишилар одил қозини йўқотиш учун яна бир ҳунарни ишга соли-шади. Касби-кори бетайин. Муҳаммад ҳожи бойлар кут-қуси билан Муҳиддинхўжага тўхмат қила бошлайди. «3 минг сўм пулни отамдан ол-ган», деган сохта далил ва гувоҳларни олиб келади.

Шайхванд Тахур қозиси Муҳаммад ҳожининг тўхмат-дан иборат ишнни кўриб уни фош қилади. Қўнча даҳаси қозиси ҳам шундай йўл ту-тади. Аммо товламачилар яна бир найранг йишлатиб, ишнни қозиликка номзодлар қурул-тойига оширишади. Бу анжу-манда ҳожи қуръонни қўлига олиб қасам ичади. Даввоси ростлигига ишонтириш учун қилинган сохта қасам Му-ҳиддинхўжани ларзага сола-ди. У Қуръон каримни ҳа-қорат қилишни истамай қа-самдан воз кечади. Унинг душманлари худди шундай бўлишни олдидан билишган ва атайлаб шундай йўл ту-тишган эди. Себзор қозиси деган номга доғ туширмаган Муҳиддинхўжа 3 минг сўмни товламачига садақа қилади.

34 йил шарият номи билан иш кўрган Муҳиддинхўжа Ҳакимхўжа ўғли 1902 йил баҳорида Тошкентда вафот этган.

Х. СОДИҚОВ.

Акс садо

ЎЗИГА ИНСОФ БЕРСИН

Рўзномада эълон қилинган «Котибалик ёмон касбми?» ма-қоласини (1990 йил, 27-сон) ўқиб, ўйланиб қолдим. Хат эга-си ҳақ. «Бу касб ўзингга жуда ёқадми, аммо уйдагилар тикувчи бўлишимни хошлаяптми. Саба-би, кимга нш жойимни айтиш-са галати қараб қўяркан. Кўп-чилигининг фикрича гўё котиба раҳбар билан «дон олишиб» юрармиш» деганича бор. Шу-нақа гапларни мен ҳам кўп эшитганман.

Халқимизда «Ҳамма ўзига ёққан ошини ичади», деган ҳикматли гап бекорга айтилма-ган. Кўнгли пок одам ҳаёлига ярамас ўйларни келтирмай-ди. Одамларга ншонади.

Ҳаётимда бир қанча котиба-ларни кўрганман. Очик юз, қалби кенг, гўзал қиз-жува-нлар эди. Шулар билан фақат нш юзасидан гаплашар эдик. Шир-инсухан сўзлари билан чар-чоғимизни босишларини айт-майсизми! Бъзан, эркак то-диллар билан гурунглашиб оқатланардик, бирга чой ича-рдик. Бевақт кўрқмасинлар та-гин деб, йўлга кўзатиб ҳам қўйганмиз. Буларнинг нмаси ёмон! Шахсан меннинг авлод-ларимда котибалар сероб. Қисқаси, хоҳ эркак, хоҳ аёлдир, инсоф ўзига берсин, — дегим келади.

М. ШОЕКУБОВА,

Ҳамза номидаги Ўзбек Дав-лат Академик китта драма театрининг ишчиси.

Унутилаётган меросимиз

ТАНЧА

САМАРҚАНД дарвоза ҳудудида тўқсон ёшга яқинла-шиб қолган Башорат исмли холам яшайди. Икки қизла-рини турмушга чиқаргандан бери катта ҳовлида бир ўз-лари қолдилар. Тўрт тарафи паҳса девор билан ўралган турар жойлари икки хонадан иборат. Бир уй, бир даҳлиз, холос. Таги тупроқли. Томи лойсувоқ эди, устидан за-монга мослаб шифер ёпилди. Шифта эса яқиндагина ҳа-шар йўли билан фанер қоқиб бердик.

Қиш кунлари холаминикига борсам даҳлизда, танчада ўтирганларини кўраман. Танча устиде эски курси, оёқ қўйиб ўтириш учун қўйилган нарвончасиям бор. Ҳар са-фар кўриб ҳавасим келади. Печка, газ йўқ. Аммо дера-залар ланг очик. Оёқлари иссиқ бўлса кифоя. Шамоллаш нималигини билмас эканлар. Рост, шунча ёшга чиқибди-лар-ку, бирор марта шифохонада ётганларини эслолмай-ман. Доимо турли хил гиёҳлардан фойдаланиб келадилар. Ҳасса тутмай, қадлари тик, бардам юрганлари-юрган. Бир кун холам тоқчадаги нақшли мисдан ясалган тир-димни олиб, танча курсисига ёзилган дастурхонга қўйди-лар. Патис усти бир зумда турли ноз-неъматлар билан лиқ тўлди. «Брамлашайми» десам, «Йўқ, меҳмонсан. Ҳаракат қилиб турнишим керак», дедилар.

Эсимни танибманки, шу татча менга таниш. Қишда қанчадан-қанча одамлар — қариндош-уруғ, қўни-қўшни-лар баҳра олишади. Холамининг қизлариям шу танча ат-рофида катта бўлишган. Эндилкида неvara, эваралари ке-либ туришибди.

— Танча — бод, шамоллаш каби хасталиклардан сақ-лайди, — дедилар бузим. — Оёқни иссиқ тутайди. Унинг атрофида ўтириб қишнинг соф ҳавосидан тўйиб-тўйиб на-фас оламан.

«Қарн билганни пари билмайди», деганларидек холам-нинг гаплари шифокор маслаҳатларига тўғри келаетгани-га қойил қолдим. Асосан оёқ, белдан ўтаркан совуқ. Шу-нинг учун ҳам авлод-аждодаларимиз гулхан, танчаларда тобланиб юришни одат қилишган. Тагларига пўстак, кўр-пачалар тўшаб, танча атрофида ўтириб, тунлари ҳам шу жойда ётишар экан.

Ҳозир эса маданиятли яшашга эътибор бераяпмиз. Ша-моллашнинг чеки йўқ. Поликлиника ва шифохоналар бе-тиним тиббий хизмат кўрсатмоқда. Энди танчалардан де-ярли фойдаланмай қўйдик. Ота-боболаримизнинг қиш дам-ларига: «Паловинг бўлмасаям оловнинг бўлсин», деган ҳик-матли гаплари унутилапти, чоғи.

Хўш, танчанинг қадрига нега етмаяпмиз? Еки бу эс-килик қолдигими? Сизларнинг фикрингиз қандай. азиз муштарийлар!

М. РАМАЗОНОВ.

64 хона, 32 дона, бир хонаси... ҳасрат.

Қўш бу жумбоқни ё сўз ўйини? Бу иборани эшитганимга 50 йилча бўлди. Уша кезларда Наманганда Мирсоли Шокиров исмли қалби оташ бир отахон бўларди. Унга одамлар «Қизил аълам», «Мот аълам» лақабини қўйишган эди. Мирсоли ота жумҳуриятимизда шатранж ўйини тараққийига салмоқли ҳисса қўшган кишилардан биридир. Унинг ўйини зўрлардан бўлмасда, кўп хусусиятлари билан ёшларни ўзига жалб қиларди. У ажойиб мутасадди сифатида «ҳаммаёқни» шатранжга бостириб юборган, ҳуллас, кўплаб шатранжчилар етишиб чиқишига замин тайёрлаган эди.

Мирсоли ота ўйинда ўз шогирдларидан ҳам мот бўлиб турарди. Шунинг учун бўлса керак, ҳазилкашлар унга «Мот аълам» лақабини беришган. У мот бўлиб турганида ҳам ҳазилкашликни қўймасди. Бўлган воқеалардан бирини эшитинг.

Тошкентлик шатранжчи Зокир оқсоқол билан Мирсоли аълам ўйинини кузатиш мақсадида Намангандаги машҳур «Восток» чойхонасига шатранжни билмаганларнинг ҳаммаси йиғилди... Чойхонанинг саҳнаси ҳам бор эди. Вақтинча билан концертлар қўйилиб, кинофильмлар кўрсатиб туриларди. Қизил бурчада янги-янги рўзнома ва ойномалар ҳамisha муҳайё. Чойхонани чиндакам шатранж клуби деса арзирди. Ҳар хил донали шатранж тахтасидан намида эллинтача бор эди, чамамада. Истаган киши столда ёки қип-қизил гиламлар тўшланган чорпоёда шатранж суриши мумкин. Баъзида барабарига уч-тўрт жойда сеанслар бўлиб қоларди.

Бир пайт залда шов-шув бошланди: «Аъламинининг аҳволи қаттиқ, юзимизни яна шувит қилмасайди?», «Кучинг етмас экан, нега мунча одам тўпладинг?», «Ютқизиб турипти-ю, баландларвоз гапини қўймаганини қаранг...»

Аълам ўзига жиддий тус берди-да, оти билан ҳамма эшитгудай овозда рақибига «кишт» эълон қилди ва сал ўтмай, тахта устидаги доналарни йиғиштириб: «Оқсоқол, мот бўлдингиз» деди. Залдаги ўйин биладиганлар ва оқсоқол хайрон бўлибди, шатранжга унча тушунмайдиганлар эса: «Бизнинг аълам мот қилди», деб, уни нарсакка кўмиб юборишди. Хижолатпазликининг олдини олишга «улгурган» аълам оқсоқолга сенин шивирлади:

— Яхшиси, мот бўлдим деб тураверинг, бўлмаса бошингиздан бир хурмача қатиқ қўйвораман!

Ўй, Мирсоли аълам ҳеч қачон бундай гипромлик қилмасди. Шатранж ўйинлар ичда энг ҳалоли эканлигини бизга тушунтирар, кэрта ёки домино билан солиштириб унинг афзалликлари айтиб, расмий мусобақалар ўтказилишининг сабаблари ҳам ана шунда эканлигини такрорларди. Чойхонадаги «найранг»и эса шатранж тараққийининг дастлабки йилларида кўпроқ кишиларни бу ақл-идрок ўйинига тортиш йўлида топган унинг ажойиб тарғибот усуллари билан бири эди.

Ҳурматли устоз Мирсоли аълам бетакаллуф, жуда соддадил одам эди. Агар ёшлардан тараф чиқиб қолгудек бўлса, икки қўллаб дона тикишга тушарди. Биз у кишидан шатранж сирларини ўрганиш билан бирга, у билан чойхонада бўлган ҳар бир учрашувни мароқ билан эслаб юрардик.

Ўзбекистоннинг ilk чемпиони, ажойиб шатранж мутасаддиси, устоз Азмиддин Хўжаев ҳам ўз фаолиятини чойхоналарда бошлаган. 1925 йили Тошкент чойхоналарида ўтказилган турнирларда, 1926 йилги бир йўла сеансларда салкам икки минг ҳаваскор қатнашганлиги маълум...

Ҳейинчалик иттифоқ миқёсида танилган Пўлатхоннинг бу даражага кўтарилишида Дуз-Хотимирскийнинг хизмати улкандир. У сабоқларни асосан чойхонада ўтказар, бундан бошқалар ҳам баъра топардилар.

Дам олиш кунларидан бири эди. Давраимиз кенгайиб

Кутлуғ ташриф

«ОҚСОҚОЛ, МОТ БЎЛДИНГИЗ...»



Устоз Азмиддин ака хотираси туфайли дилдаги баъзи гапларни айтиб ўтишни лозим кўрдик. Шатранж тахтаси ёнида кўнгил ёзини истовчиларнинг фикри ҳам шу. Маҳоратини баъзан чойхона «гроссмейстер»лари билан бўлган мароқли учрашуларда тоблаган. «Ўзбекистон Чигорини» даражасига етган Азмиддин Хўжаевни ўттизинчи йилларда танимаган киши йўқ эди. Унинг номи бутун мамлакатга ёйилди.

Азмиддин Хўжаевнинг ташаббуси билан Тошкент маҳаллаларида эски ўйин қои-

кетди. Ораминда турли ёшдаги ҳар хил касб эгалари: ўқитувчи, олим, шоир, ишчи, студент... Сухбат асосан шатранж ҳақида борапти. Кўпни кўрган шатранж устаси Зокир ака Хўжаевга илтимос тушгандай бўлди.

— Хўп, бўлмаса айтсам айтиб берай, — дея хотираларидан гап очди у. — Бухоронинг Лаби ҳовузини биларсизлар, ҳеч бўлмаса эшитгандирсиз. Энг обод, энг гавжум жой. Ҳозир ҳам шундай. Шу ерда иккита клубимиз бўларди: бири — давлат ҳисобида, иккинчиси

Қирқинчи йилларнинг охирида Тошкентнинг «Эски Жўва» гузарига чойхона очилиб, жуда обод бўлган эди. Шатранжчилар ҳам кўп келишарди бу ерга. Уша йиғилишларнинг бирида Ўйгун домланинг Ўзбекистон ССР халқ артисти Сайфиқори Олимов шайнига бир зумда тўқилган «Мот бўлишнинг дафтарини Сайфи Қоридан сўранг» сўзи билан бошланувчи узун шеърини эшитганимиз.

Мана бу воқеага эса унчалик кўп бўлгани йўқ. Тошкентдаги ишчилар шаҳарчасида жойлашган чойхона ҳар галгидек мухлислар билан гавжум. Наби ака Ғаниев (у кишини кўпчилик «ада» дерди) бирин-кетин «ютиб» турибди. Навбат эски ҳарифлардан бири Садриддинхон аъага келди. Улар шатранж тахтаси ёнида ярим асрача ҳариф ҳамда бир-бирига гапи ботмайдиган қадрдону ҳазилкашда дўст. Ўйин ўрталарига борганда «ада»нинг қўллари хиёл баландлаб қолди. Шу пайт атрофдагиларга бир-бир разм солиб, мана бу мисраларни қироатини келтириб ўқидилар.

Э, дўстлар, кўринглар, шатранжни «жони» келди, Бу майдон узра мендан калтак егани келди.

Эллик йилдирки ўйнар, тажриба йўқ ҳануз ҳам,

Ўз кўнглида ўйиннинг зўр чемпиони келди.

Ўйлаб туриб мўралар, ким айтар деб мўлтирар,

Бировлар айтганини сўриб тургани келди.

Ҳарифини ва қолаверса шахмат қонун-қондаларини, улардан сўз ўйини ясашни билмай туриб бундай байтлар ўқиш ва айниқса янги-дан тўғиш, маҳоратли, зукко кишиларгагина хосдир.

Халқимизнинг урф-одатлари, чунончи, Наврўз тикланганлиги жамоатчиликни бениҳоя хурсанд қилмоқда. Ўтган йили байрам дамлари Тошкентнинг бир неча маҳаллаларида дастурлардан шатранж тадбирлари ҳам ўрин олганлигидан хурсанд бўлдик. Буни бутун жумҳуриятда, оммавийлаштириш вақти келди. Чунки

Қизиқувчилар

бурчаги

ҚАДИМИЙ

НОМЛАР

ПРОФЕССОР Х. Ҳасанов «Ўрта Осиё жой номлари тарихидан» асарида пойтахтдаги касб-хуна ва савдо-сотиқ билан боғлиқ 40 дан ортиқ маҳалла номларини келтирган. «Дегрез», «Заргарлик», «Маҳсидўз», «Тақачи» ва бошқа номлар шулар жумласидандир.

ҲОВУЗЛАР ҚАНЧА

БЎЛГАН?

ИЛГАРИ Тошкент шаҳрида ҳовузлар бўлганми? Тарихчи олим М. Рўзиевнинг аниқлашча инқилобдан олдин 500 тача ҳовуз бор экан. Тўғри, ҳозир бундай иншоотга эҳтиёж деярли сезилмаяпти. Аммо баъзиларнинг номлари сақланиб қолган. Масалан, «Каттаҳовуз», «Сасиқҳовуз», «Ховузбоғ» каби номлар қадимда шу жойларда ҳовуз бўлганини эслатиб туради.

М. АХРОҚУЛОВ тайёрлаган.



ТОЖИВОЙ ТАЖАНГ

ХАТЛАР ҚУТИСИДАН


«Ҳурматли муҳаррират! «Тожиқвий тажанг шаҳар кезиди» руқни остида «Чорсу» бозори ва «Самарқанд» автостанциясидаги «Сосисхона»лар жуда тўғри танқид қилинган эди. Аммо афсуски, мутасадди ўртоқлар рўзномани ўқишмас экан. Бўлмаса танқиддан тегишли хулоса чиқариб, маълум ўзгариш қилардилар.

Салом билан, Феруза»

Тожиқвий тажанг шаҳар кезиб, кўзга ташланаётган ва гапга тегаётган камчиликларни муштарийларга ҳақола этаётгандан бери бундай мактублар кўплаб кела бошлади. Уларнинг аксариятида ижтимоий муаммолар тилга олинган. «Биз пойтахтдаги «Обод» маҳалласининг «Богистон» кўчасида яшаймиз, — деб ёзишди Рустамов, Эрматов, Турсунов, Исмоиловлар оиласи. — Тожиқвий тажанг 174-мактаб олдида бир ташриф буюрсалар ахши бўларди, Чунки шу атрофдаги кўчадан на ёзда ўтиб бўлади, на қишда. Катталарку майли, ҳозир лойдан кичкин-тойларимиз, қийналишяпти. Бундан ташқари 26-йўналишли таксининг қатнови ҳам ўлда-жўлда».

Чилонзор ноҳияси, Ғафур Ғулом кўчасида яшовчи Шахло Мираҳмедова телефон масаласида, пойтахтнинг Юнусобод даҳасидаги бир неча ётоқхонада истиқомат қилаётган талабалар эрталаб автобуслар тиқилинчлигидан ўқишга боришга қийналишяпти, Сергели ноҳиясидаги «Қумариқ» маҳалласидан М. Иброҳимова эса Улуғ Ватан уруши қатнашчилари хонадонларига кираверишда ўрнатилган лавҳалар ҳанузгача рус тилида эканлиги тўғрисида мурожаат қилишган.

Биз куюнчан муштарийларимизнинг илтимос ва талабларини тегишли идораларга албатта етказамиз. Ўз навбатида тили ақчи, тиниб-тинчимас Тожиқвий тажанг шаҳар кезини давом эттиради...



ГАЗЕТА ТАШКЕНТСКОГО ГОРОДСКОГО СОВЕТА
ПО КООРДИНАЦИИ ДЕЯТЕЛЬНОСТИ МАХАЛЛЯ.

МАНЗИЯГОХИМИЗ: Тошкент шаҳри, Ленинград кўчаси, 32-уй, Телефонлар 32-53-66, 33-99-42, 32-54-15.

ЖАМОАТЧИЛИК
ТАҲРИР ҲАЙЪАТИ.